

(1245) 1246, gener, 31

Arbitratge de Guillem Gaufred, canonge de la seu i de Pere Isarn, en la controvèrsia entre l'abadessa de Sant Daniel i Pere Carrera, de Vilafreser, sobre els drets de batlliu d'aquest.

ASD núm. 140, perg. orig., 215 x 245, carta partida. Hi ha còpia de l'original al llibre 11, ff. 272v-273, i a continuació, ff. 273-274, còpia d'un transsumpte de la mateixa escriptura.

Sit notum omnibus quod mota controuersia inter dominam Berengariam, abbatissam Sancti Danielis et eius conuentum ex una parte, et Petrum Carraria de Uillafredario, hominem proprium dicti monasterii ex altera, super baiuliam et honores quos dictum monasterium habet in parrochia Sancti Stephani de Uillafredario et Sancte Eulalie de Puials et Sancte Leocadie et Sancti Martini de Fellinis et Sancti Uincentii de Uillaasinorum, quam baiuliam dictus Petrus Carraria tenebat et possidebat, et super censu bladi et denariorum quem Bemardus Uitalis de Uillafredario facit annuatim dicto monasterio et super aliis de quibus inter se contendebant, tandem utraque partium pignoribus .c. solidorum positis in manu Guilielmi Gaufridi, Gerundensis presbiteri canonici et Petri Isarni, uisis et auditis instrumentis et rationibus et allegationibus iuris et facti utriusque partis, pro bona pace dixerunt quod dicta domina abbatissa et eius monasterium habeant et accipient in perpetuum in manso ipsius Petri Carraria omnia agrada panis et uini de terris que pro eis tenentur et pro censu ipsius fexie terre que est ad pratum Sancte Marie unum par gallinarum, et pro censu omnium aliarum rerum que pro dicto monasterio tenentur unam albergam tantum faciens et domina abbatissa cum soda sua et capellano et scutifero et eorum equitaturis et roceris et omnia agrada panis et uini omnium predictarum possessionum que in dictis parrochiis et pro dicto monasterio tenentur, et illum censem bladi et denariorum quem dictus Bernardus Uitalis dicto monasterio facit annuatim, et omnes intratas et exitas et omnia alia ad dominium quocumque mod spectantia in dictis honoribus uel hominibus propriis ipsius monasterii, excepta tamen et retenta dicto Petro Carraria et suis in perpetum tantum retrodecimam omnium predictorum agrariorum panis et uini et dicti census bladi Bernarda Uitalis et omnium intratarum et exitarum et aliorum foriscapiorum que ratione dictarum possessionum et hominum predictorum inde exierint, quam retrodecimam dictus Petrus Carraria et sui successores habeant et teneant pro dicto monasterio et recipiant pro suo baiuluo in perpetuum ad omnes suas suorumque uoluntates perpetuo faciendas, saluo iure predicti monasterii in omnibus, et quod domina abbatissa predicta et eius conuentus laudet et confirmet et substituendo et firmando in ista presenti confessiissionade dicto Petro Carrarie et suis predictam baiuliam et suum mansum cum omnibus suis pertinentiis, saluo iure suo in omnibus. Que omnia, uniuersa et singula superius dicta et nos dicta domina abbatissa et totus noster conuentus ex una parte attendentes dictam compositionem nostra monasterio utilem esse et uobis Petro

Carraria ex altera, laudamus factum et per nos et nostros successores in perpetuum obseruare promittimus.

Actum est hoc pridie kalendas februarii anno Domini .MCCXLV.

Sig+num Petri Carrarie, qui omnia supradicta laudando firmo. Sig+num domine Raimunde de Palaciolo, infirmarie, sig+num domine Berengarie de Palagreto, priorisse, sig+num domine Guilielme de Torrente, piaterie, sig+num domine Bernarde de Sancto Stephano sacristane, sig+num Beatricis de Paleria, sig+num Cecilie de Fuxano, monialium Sancti Danielis, qui hoc laudamus et firmamus. Berengaria, Dei gratia Sancti Danielis abbatissa*.

(s. man.) Petrus Isarni, habens locum presbiteratum canonici Gerundensis, subscribo.
Sig+num Guilielmi Gaufredii, Gerundensis presbiteri canonici.

(s. man.) Bernardus de Uillario, qui hoc scripsit cum litteris suprascriptis in .VIII. linea ubi dicitur "ipsius fexia", usque ad uerbum "tenetur".

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 283-285